

AKHBAR : BERITA HARIAN

TARIKH : 10 JANUARI 2022

---

KERATAN AKHBAR

## **LUAS, JAS Selangor siasat air tasik keruh**



**Pengerusi Jawatankuasa Tetap Alam Sekitar Selangor, Hee Loy Sian.**

SHAH ALAM: Kebimbangan penduduk susulan dakwaan air tasik di Bukit Cheraiah, Seksyen U10 di sini bertukar keruh berbanding biru kehijauan sebelum ini akan ditangani seberapa segera.

Pengerusi Jawatankuasa Tetap Alam Sekitar Selangor, Hee Loy Sian, berkata pihaknya menyedari perkara itu dan dalam siasatan Lembaga Urus Air Selangor (LUAS).

"LUAS menjalankan siasatan terperinci berhubung perkara ini," katanya ketika dihubungi hari ini.

Beliau mengulas laporan mendakwa kawasan tadahan air di kawasan itu tercemar akibat hakisan tanah.

LEMBAGA URUS AIR SELANGOR  
(UNIT KORPORAT)

---

Penduduk mendakwa hakisan tanah berpunca daripada pembangunan di belakang kawasan kejiranan berhampiran.

Laporan itu menyebut, penduduk mendakwa air tasik yang dahulunya biru kehijauan kini bertukar menjadi 'kolam teh tarik' dan dikaitkan dengan aktiviti penebangan hutan.

Mengulas perkara itu, Loy Sian berkata, Selangor tidak membenarkan aktiviti pembalakan selama 25 tahun sejak 2010.

Sementara itu, Pengarah Jabatan Alam Sekitar (JAS) Selangor, Nor Aziah Jaafar, ketika dihubungi berkata, siasatan mengenai aduan dinyatakan.

"Kita perlu siasat sebab sebelum ini keadaan airnya tidaklah seteruk itu," katanya.